

ՀԱՅ ԿՈՄԵՐՍԻՏԱԿԱՆ ԵՐԻՏԱԾԱՐԴԱԿԱՆ ՄԱՄՈՒԼԻ
ՊԱՏՄՈՒԹՅՈՒՆԻՑ (1921 — 1925 ԹԹ.)

Հայ կոմերիտական, մասնավորապես տեղական մամուլի պատմության մեջ փառավոր էջ են կազմում սկզբնական կոմերիտական կազմակերպությունների տպագիր օրգանները և կոմերիտական միօրյա թերթերն ու կոչերը: Դրանք կարևոր դեր են խաղացել երկրի ժողովրդական տնտեսության առջև կանգնած ամենահրատապ խնդիրները լուծելու, կուսակցության կողմից անցկացվող կամպանիաներում պատանիների և աղջիկների ակտիվ մասնակցությունը ապահովելու, նրանց կոմունիստական ոգով դաստիարակելու գործում: Դրանից զատ, կոմերիտական մամուլը ընդհանրապես, և տեղական մամուլը մասնավորապես հետազոտողներին հարուստ նյութ են տալիս տվյալ ժամանակաշրջանի պատմությունն ուսումնասիրելիս: Մինչդեռ երիտասարդական հենց այս օրգանների պատմության իրիստ հետաքրքիր և կարևոր էջեր դուրս են մնացել պատմաբանների տեսադաշտից և չեն դարձել գիտական ուսումնասիրության առարկա:

1921 թ. կոմերիտական Երևանի կոմիտեն, կուսակցական օրգանների անմիջական ղեկավարությամբ ձեռնարկեց մի շարք միջոցառումներ հիմնարկ-ձեռնարկություններում կոմերիտական կազմակերպություններ ստեղծելու և ամրապնդելու ուղղությամբ: Քաղաքում ստեղծվեցին 11 կոմերիտական բջիջներ¹, այդ թվում նաև տպագրական բջիջը², որն, ի դեպ, խոշոր դեր էր խաղում Երևանի կոմերիտական կազմակերպությունների կյանքում: 1922 թ. նրա անդամների թիվը հասնում էր 35 հոգու, որից բանվորներ էին 25-ը, ծառայողներ՝ 10-ը: Եվ առհասարակ, 20-ական թվականներին Երևանի արդյունաբերության մեջ իր տեսակարար կշռով աչքի ընկնող տեղ էր գրավում պոլիգրաֆ արդյունաբերությունը, որտեղ աշխատում էին հսկայական թվով երիտասարդ բանվորներ:

1922 թ. հուլիսից տպարանի կոմերիտական կազմակերպությունը սկսեց հրատարակել իր ձեռագիր օրգան պատի թերթը՝ «Տպագրական բանվոր»-ը: Մինչև 1922 թ. նոյեմբերը լույս տեսավ «Տպագրական բանվոր»-ի ձեռագիր 10 համար: Նույն թվականի հոկտեմբերի վերջերին բջիջի ժողովներից մեկում որոշվեց «Տպագրական բանվոր»-ը հրատարակել տպագիր: Որոշումը գործի վերածվեց: 1922 թ. նոյեմբերի 7-ին՝ Հոկտեմբերյան սոցիալիստական հեղափոխության 5-րդ տարեդարձի օրը, լույս տեսավ «Տպագրական բանվոր»-ի հերթական 11-րդ, բայց տպագիր առաջին համարը: Թերթի 12-րդ համարը նորից լույս տեսավ ձեռագիր, իսկ 13-րդ համարից այն սկսեց լույս տեսնել

1 Դրանք են՝ զարաթի, կոմունայի և Սևարատի, Չեկայի, 2-րդ հանրակացարանի, 2-րդ մանկատան, համայնարանի, 3-րդ մանկատան, կոմկուրսի, Գողնակի, տպարանի:

2 Մեզ չի հաջողվել ստույգ որոշել նրա ստեղծման ամսաթիվը: Ժամանակակիցների վկայությամբ, տպագրական բջիջը ստեղծվել է 1921 թ. կեսերին:

դարձյալ տպագիր: 1922 թ. լույս է տեսել 14, 1923 թ.՝ 20, 1924 թ.՝ 12 հասար: Թերթը խմբագրել է Ալազանը: Նրան ակտիվորեն աշխատակցել են Հրանտ Եկավյանը, Տիգրան Խորունին, Ահարոն Մոկացյանը, Անդրանիկ Շահինյանը, Զավեն Մարուխյանը, Արմո Մալխասյանը, Վահան Գրիգորյանը, Գեղամ Միքայելյանը, Սիրասը, Հովիկ Մելիքյանը և ուրիշներ:

Թեև «Տպագրական բանվոր»-ը հանդիսանում էր Երևանի տպագրական բնիկ օրգանը, սակայն այն դուրս եկավ այդ կազմակերպության շրջանակներից և իր աշխատանքի ասպարեզը հսկայական շափերով լայնացնելով հասավ հանրապետության ամենահեռավոր ծայրամասերը, թափանցեց ողջ երիտասարդության կյանքի մեջ, դարձավ նրա պահանջների արտահայտիչը:

Թերթի տարեդարձի առթիվ խմբագրությանն ուղղված «Ողջուն, տպագրական բանվորին» հղվածում Դարգավկոմի քարտուղար Ա. Դպիրյանը գրում է. «Մի տարի է ինչ լույս է տեսնում մեր ամենքի սրտին մոտիկ «Տպագրական բանվոր»-ը: Մեր կազմակերպության, Հայաստանի իրականության մեջ առաջին մասսայական թերթն է եղել, որ ծնունդ առնելով բանվորական մասսայից, արձագանք է գտել Հայաստանի բոլոր մասերում, դառնալով ամեն մի բանվորի, ամեն մի գյուղացու իսկական արտահայտիչը՝ հարազատ լեզուն: Դարալագյազի խուլ գավառն անգամ այդ մասին գիտե, որովհետև գյուղ չկա, որ «Տպագրական բանվոր»-ը ոտք դրած չլինի»³: Կամ՝ «Ողջուն տպագրական բանվորին» նամակում Քավոր Քսպոն⁴ Կոտայքից հայտնում է, որ թերթը ձեռքից ձեռք է անցնում, այն շատ հետաքրքրությամբ են ընթերցում թե՛ տարեց, թե՛ երիտասարդ գյուղացիները և «դիտմամբ բարձրաձայն են ընթերցում, որ կուլակները լսեն ու լեզիները պատռվի»:

Թերթի մասսայականության մասին է խոսում նաև այն փաստը, որ սկզբնական շրջանում հրատարակվող մի քանի հարյուր օրինակ տպաքանակից 1923 թ. դարձավ 1000, 1924 թ.՝ 1500 օրինակ:

Բավական ինքնատիպ էր և բովանդակությամբ հարուստ թերթի 1922 թ. նոյեմբերի 7-ի համարը (№ 11), որ նվիրված էր Հոկտեմբերյան մեծ հեղափոխության 5-րդ տարեդարձին: Թերթը հրապարակում է «Թող դողան ու սարսափեն համաշխարհային «Հսկաները», որովհետև նրանց «ոսկեփայլ» արևը իր վերջին մայրամուտն է ապրում», «Թող ցնծան ու հրճվեն ծանր շրջապաններում տառապող երիտասարդները, որովհետև նրանց համար է ծագելու կարմիր գալիքի բոսորափայլ արշալույսը», «Հաղթենք տգիտությանն ու խավարին—նրանք են խորհրդային իշխանության ամենագլխավոր թշնամիները» լուզունգները:

Թերթի 13-րդ համարը, որը լույս է տեսել 1922 թ. նոյեմբերի 29-ին, բնականաբար, նվիրված էր Հայաստանում սովետական կարգերի հաստատման 2-րդ տարեդարձին: Այդ համարում տպագրված «Միացյալ-անկախիստների» ողբալի վախճանը՝ հղվածում Վ. Անողոքը (Ալազան) շարադրելով Սովետական Հայաստանի աշխատավորության ձեռք բերած հաջողությունները, ընդգծում է, որ այժմ երիտասարդության հարվածային գործն է՝ լայն պայքար ծավալել ժողովրդական տնտեսության վերականգնման համար: Դա իր ար-

³ «Տպագրական բանվոր», № 12 (26), 1 օգոստոսի, Երևան, 1923:

⁴ Քավոր Քսպոն այն ժամանակ ակտիվ կոմբերիտական աշխատող Հարություն Մկրտչյանն է. այժմ թոշակառու: «Տպագրական բանվոր», 8 մարտի, Երևան, 1923:

տացույումն է գտել նաև թերթի նույն համարում տպագրված Խ. Դանշոյի հետևյալ ոտանավորի մեջ.

Նս առանձին՝ զրաշար եմ,
Թերթ եմ շարում, բրոշյուր,
Դու խմբագիր, նա զրագետ
Հույս ենք սփռում ամեն օր:

Մեկը դարբին՝ խոփն է շինում,
Մուրճն ու մանգաղ, գերանդին,
Մյուսը՝ ռանչպար, ցանք է անում
Հաց է տալիս ամենքին:

Հիրավի ծնունդ առնելով և հիմնականում իր գործունեությունը ծավալելով վերականգնման տարիներին, կոմերիտական օրդանի գլխավոր թեման պետք է լիներ և եղել է ժողովրդական տնտեսության բոլոր ոլորտներում երիտասարդության լայն մասսաների ակտիվ մասնակցությունը ապահովելու գործը: Սակայն «Տպագրական բանվոր»-ը քիչ տեղ չի հատկացրել նաև հայ պատանիներին ու աղջիկներին բանվոր դասակարգի հեղափոխական տրադիցիաներով, պրոլետարական ինտերնացիոնալիզմի ոգով դաստիարակելու կարևոր հարցերին: Թերթի էջերը բաղմիցս տրամադրվել են կուսակցական-պետական, հեղափոխական գործիչների, ինչպես նաև աշխատանքի հերոսների կյանքի ու գործունեության պրոպագանդանր:

Ուշագրավ է հատկապես «Տպագրական բանվոր»-ի 1923 թ. նոյեմբերի 29-ի համարը: Նրա շորս էջերում համառոտ կենսագրական տվյալներ են (ներկարներով) տպագրված Ալեքսանդր Մյասնիկյանի, Սարգիս Կասյանի, Սարգիս Հուկաշինի, Աշոտ Հովհաննիսյանի, Սաքո Համբարձումյանի, Ասքանաղ Մռավյանի, Ավիս Նուրիջանյանի, Ստյոպա Ալլահվերդյանի, Հայկ Աղատյանի, Արտաշես Կարինյանի, Եղիա Զուբարի, Արմենակ Ղարազյոզյանի, Դրաստամատ Տեր-Սիմոնյանի, Արամ Շահգեղյանի, Արմենակ Բուդաղյանի, Գումեղինի (Գուրգեն Մելիք-Դադայան). Կարապետ Սարուխանյանի մասին:

«Տպագրական բանվոր»-ը բացառիկ կարևոր նշանակություն էր տալիս երիտասարդության գեղարվեստական դաստիարակության հարցերին: Նրա «Բանվորական գրականություն և գեղարվեստ» բաժնում սիստեմատիկաբար տպագրվում էին բանաստեղծություններ, պատմվածքներ, ակնարկներ, ֆելիետոններ և այլ ժանրի ստեղծագործություններ: «Տպագրական բանվոր»-ի էջերում են տպագրվել Ալադանի, Նաիրի Զարյանի, Գուրգեն Մահարու, Վահան Իրիգորյանի մի շարք բանաստեղծությունները: Թերթը հատուկ տեղ էր տալիս նաև բանվոր և գյուղական երիտասարդության գեղարվեստական ստեղծագործություններին, խրախուսում և ոգևորում էր նրան գրել բանաստեղծություններ ու պատմվածքներ:

Հարկավ, բաղմադուր էր «Տպագրական բանվոր»-ի թեմատիկան: Այն ընդգրկում էր երիտասարդության կյանքի տարրեր հարցերը: Թերթի խմբագրումը և լույս ընծայումը կատարվել է հասարակական հիմունքներով: «Կյանքը քջիջներում», «Դպրոցական կյանք», «Պատկոմական», «Բանվորական կյանք», «Գավառներում», «Կուսակցական կյանք», «Մանկատնային կյանք» մշտական

բաժիններում կոմերիտական օրգանը պարբերաբար հողվածներ ու թղթակցություններ էր ղեկավարում հանրապետության տարբեր վայրերում տեղի ունեցող բարեփոխումների, կոմերիտական կազմակերպությունների նախաձեռնությունների, երիտասարդության ուսուցման, կրթության, աշխատանքի, կենցաղի և այլ հարցերի մասին:

Թերթի դերը մեծ էր նաև նյանով, որ նա հարուստ փաստական նյութ էր տալիս ուսումնասիրողներին՝ տպագրական բաժնի (և ոչ միայն տպագրական բաժնի) պատմությունը վերարտադրելու համար: «Կյանքը մեր բաժնում» մրշտական բաժնում թերթը սխտեմատիկաբար նյութեր է հրապարակել տպարանի կոմերիտական կազմակերպության աշխատանքների, նրա կազմակերպած միջոցառումների մասին: Ուշագրության արժանի է հատկապես այն հանգամանքը, որ «Տպագրական բանվոր»-ը իր էջերում ղեկավարում էր կոմերիտական ժողովների նյութերը՝ արձանագրություններն ու ընդունված որոշումները: «Տպագրական բաժնի արտակարգ ժողովի արձանագրությունից» հողվածում, կազմակերպության քարտուղար Ահարոն Մոկացյանը պատմում է, որ 1924 թ. փետրվարի 27-ին տեղի ունեցավ բաժնի ժողովը, ուր քննարկման էր դրված «Գերմանիայի երեք բաժնիների հետ կապ ստեղծելու» հարցը, որի շուրջը ղեկուցումով հանդես է եկել Հայաստանի կոմերիտիկայի Կենտկոմի քարտուղար Գրիգորյանը (Գրիգոր Մելիք-Դադայան): Այնուհետև, ղեկուցման շուրջը ծավալված մտքերի փոխանակությամբ հանդես է եկել 12 մարդ, որից հետո ընդունվել է հետևյալ որոշումը. «Նամակագրության միջոցով կապ հաստատել Հայլերում, Հայլե և Մանհայմ քաղաքների թղթի արդյունաբերության մեջ աշխատող բաժնիների հետ: Միմյանց ծանոթացնել ձեռք բերված հաջողություններին ու աշխատանքի դրական փորձին»:

«Տպագրական բանվոր»-ի գործունեությունը թերթի կլիններ, եթե չնշենք նրա մի այլ կարևոր նշանակություն ունեցող աշխատանքի մասին: Այն նշանակալից դեր խաղաց ժողովրդական կազմակերպության պատրաստման գործում և հանդիսացավ այն օրգանը, որի շուրջը համախմբվեցին հարյուրավոր բանվոր թղթակիցներ, որոնք համապատասխան դաստիարակություն ստանալով ու անհրաժեշտ փորձ ձեռք բերելով, հետագայում դարձան շնորհալի ժողովրդաստներ: Բավական է նշել, որ միայն մեկ տարում «Տպագրական բանվոր»-ը աճեցրել է ավելի քան 15 երիտասարդ թղթակիցներ, որոնք ժողովրդական աշխատանքի անցան «Խորհրդային Հայաստան» թերթի խմբագրությունում: Իրանց թվում էին Սերգո Փարսադանյանը, Ահարոն Մոկացյանը, Զավեն Մարտիրոսյանը, Արմո Մալխասյանը, Անդրանիկ Շահինյանը և ուրիշներ:

Թե որքան մեծ էր «Տպագրական բանվոր»-ի դերը երիտասարդության կոմունիստական դաստիարակության գործում, վկայում է թեկուզ «Ավանդարդ»-ի խմբագրության ողջունի հեռագրի (թերթի երկրորդ տարեդարձի առթիվ) հետևյալ տողերը.

«Դու (խոսքը «Տպագրական բանվոր»-ի մասին է—Վ. Ս.) այս երկու տարում մտել ես մեր բոլոր գործարանները, գյուղերը, խավար անկյունները, հրեշները ես բո ձայնը, տարածել ես բո լույսը, գիտակցության ես հրավիրել ու կազմակերպել աշխատավոր երիտասարդությանը իր հարադատ կազմակերպության կն միության շուրջը:

5 «Տպագրական բանվոր», № 4, 7 մարտի, Էջևան, 1924:

Դու քո ծոցում կրթել ես երիտասարդ բանվորի ու գյուղացու անվարժ գրիչը, ուղղել ես նրանց թոթովանքները և դարձրել ես նրանց իրենց կոչումն յուրացրած թղթակիցներ:

Էսօր, թե՛ «Խորհրդային Հայաստանում», թե՛ «Ավանգարդում» և թե՛ բոլոր թերթերում քո պատրաստած թղթակիցները փայլում են շարունակ»⁶:

Հայաստանի ուսանող երիտասարդության կյանքում խոշոր իրադարձություն է նրանի պետական համալսարանի ուսանողական խորհրդի օրգան՝ «Նոր ուսանող» ամսագրի հրատարակումը, որի առաջին և միակ համարը լույս տեսավ 1924 թ. մարտին, համալսարանի հիմնադրման երրորդ տարեդարձի առթիվ: Ը դեպ, երկար ընդմիջումից հետո՝ 1940 թվականին շարունակվել է նրա հրատարակումը, սակայն այս անգամ արդեն «Ուսանողների գիտական ընկերության աշխատությունների ժողովածու» անունով:

Ամսագրի առաջին համարը բացվում է Հայկ Աղաթյանի «Լենինի գիտական ու գրական գործը» հոդվածով, որտեղ հեղինակը հանգամանորեն պատմում է մեծ առաջնորդի կյանքն ու հեղափոխական գործունեությունը, ցույց տալիս Վ. Ի. Լենինի գիտական ու գրական ժառանգության կարևորագույն նշանակությունը մարքսիստական տեսության զարգացման գործում: «Շահագործվող մարդկության համար Լենինը մի ամբողջ պատմական դարաշրջանի հանճարեղ ներկայացուցիչ էր,—եզրափակում է Հ. Աղաթյանը իր հոդվածը,—կապիտալիզմից դեպի սոցիալիզմը տանող դարաշրջանի ներկայացուցիչը: Միջազգային պրոլետարիատի հեղափոխական կովի անդուղական կազմակերպիչն ու ղեկավարը, նրա կամքի լավագույն ու հարազատ արտահայտիչը, նրա շարժման մեծ իդեոլոգն էր Լենինը»:

Հակոբ Հովհաննիսյանը⁷ («Հակ. Հովհ.» ստորագրությամբ) «Նոր ուսանող» ամսագրի առաջին համարի լույս ընծայման առթիվ ողջունելով նրա խրմբագրությունը, կոչ է անում ուսանողներին, տիրապետել գիտության բարձունքներին, գիտություն և գիտակցություն մտցնել աշխատանքի մեջ, «Աշխատանքի գիտական կազմակերպությունը, դա մեր այժմյան լոզունգն է»,—գրում է նա:

«Նոր ուսանող»-ը իր էջերում զետեղել է Ս. Լուկաշինի «Որ դեպքում համալսարանը կարող է ծառայել իր նպատակին», Աշոտ Հովհաննիսյանի «Հինն ու նորը», Ասքանազ Մռավյանի «Ում ենք պարտական» հոդվածները: Այդ հոդվածներում նրանք հանդես են եկել քաղաքական-տնտեսական կարևորագույն հարցերի շուրջը, առաջ քաշել երիտասարդության գաղափարական դաստիարակության խնդիրը:

«Պիտի ջանանք, որ նա (համալսարանը—Վ. Ս.) կարողանա իր հարկի տակ մտցնել այն գիտությունը, որ շատ չէ ընդունված մինչև այժմ: Խոսքը Լենինի դմի մասին է, որ գլխավոր ուղեցույցը պիտի լինի համալսարանի հետագա աշխատանքների ընթացքում: Հայաստանի շինարարությունը առանց Լենինի դմի չի կարող առաջնորդվել, որովհետև Լենինը ոչ միայն հեղափոխական, այլև խորրդ գիտնական էր: Նույն դարի գիտության վերջին խոսքը յու-

⁶ «Տպագրական բանվոր», № 8, 19 հուլիսի 1924 թ.

⁷ Հակոբ Հովհաննիսյանը օրմիական գիտությունների դոկտոր-պրոֆեսոր էր, որը 1922 թվականի մարտից նշանակվել է պետական համալսարանի ուսուցիչ և աշխատել այդ պաշտոնում մինչև 1930 թվականը:

րացրել էր և կապել այդ պրոլետարիատի դասակարգային մարտի հետ», — գրում էր Ա. Մռավյանը:

Այդ տարիներին, երբ հանրապետության աշխատավորությունը կուսակցական կազմակերպությունների ղեկավարությամբ իր ամբողջ ուժերն էր լարել վերականգնելու գյուղատնտեսությունը, Հայաստանում զգացվում էր գյուղատնտես մասնագետների պակասը: 1923 թ. դրանց թիվը հասնում էր 12-ի: Ամսագիրը առաջ քաշեց գյուղատնտես մասնագետների պատրաստման բացառիկ կարևոր խնդիրը: «Մեր գյուղին անհրաժեշտ են առաջին հերթին գյուղատնտեսներ», — գրում էր «Նոր ուսանող»-ը:

«Եվրոպայի անդրկովկասյան ուսանողության համագումարի առթիվ» հոդվածում Հ. Եկավյանը պատմում է, որ 1923 թ. հոկտեմբերին Բեռլինում կալացած անդրկովկասյան ուսանողության համագումարը որոշել է կանգնել խորհրդային ուլտաֆորմի վրա, կապ հաստատել Անդրկովկասի տեղական ուսանողական կազմակերպությունների հետ: «Սա պատմական մի արժեքավոր քործ է, — գրում է Հ. Եկավյանը. — անկախ ազգությունից, Անդրկովկասի ուսանողությունը, նրա ավելի պրոգրեսիվ ու հեղափոխական մասը Եվրոպայում ձեռք-ձեռքի տված, մի կողմից հետևում է հեղափոխական Մոսկվային՝ ԽՍՀՄ առօրյա կյանքին, մյուս կողմից նոր ստեղծագործ աշխատանքների հիմքեր դնում իր առօրյա կյանքում»:

Հայ ուսանողության առաջին ամսագրի էջերում են տպագրվել Դուրգեն Մահարու «Ծս», «Երևանը ամռան», «Հովհ. Թումանյանի հետ», Նաիրի Զարյանի «Աերոկարոտ» բանաստեղծությունները:

Վերականգնման շրջանի դժվարությունները հնարավորություն չտվեցին ամսագրին ծավալելու իր գործունեությունը և հրատարակվելով մեկ համար, դադարեց լույս տեսնելուց: Սակայն այն ուշագրավ երևույթ է սովետահայ երիտասարդական մամուլի պատմության մեջ: Նրա հանդես զալը և պարունակած նյութերը ցույց տվեցին երիտասարդական ամսագրի անհրաժեշտությունը, որը ավելի ակնհայտ դարձավ հետագայում, երբ 1940 թ. վերստին լույս տեսան «Ուսանողների գիտական ընկերության աշխատությունների ժողովածու» ամսագիրը և 1935 թվականից՝ «Հարվածային ուսանող», իսկ 1950 թվականից՝ «Սովետական ուսանողություն», «Երևանի համալսարան» թերթը:

Վերականգնման շրջանում ծնվեց նաև Ադրբեջանի կոմունիստական երիտասարդական միության Լեռնային Ղարաբաղի շրջկոմի օրգան «Երիտասարդ լենինիստ» թերթը: Այն լույս է տեսել 1924 թվականին Ստեփանակերտում հրատարակվող «Խորհրդային Ղարաբաղ»-ի 4-րդ էջում, երբեմն էլ առանձին: Ընդամենը յոթ համար: Նրա առաջին համարը լույս է տեսել 1924 թվականի մայիսի 1-ին, իսկ վերջին՝ 7-րդ համարը՝ նույն թվականի դեկտեմբերի 28-ին: Դա այնպիսի ժամանակաշրջան էր, երբ կոմունիստական կուսակցության ձեռնարկած մի շարք միջոցառումների շնորհիվ, որոշ չափով վերակենդանացել էր ժողովրդական տնտեսությունը, բարելավվել էր բանվորների և գյուղացիների նյութական դրությունը և պայմաններ էին ստեղծվել նրանց կուլտուրական մակարդակի բարձրացման ու քաղաքական գործունեության ուժեղացման համար: Ստեղծված այդ պայմանները կոմերիտմիության առաջ դրեցին նոր խնդիրներ: Անհրաժեշտ էր էլ ավելի ամրապնդել կոմերիտական կազմակերպությունները, լուրջ ուղղորդություն դարձնել կոմերիտմիության հա-

սարակական-քաղաքական գործունեության բարձրացման հարցերին, լայն տեղ տալ մասսայական ինքնագործունեության զարգացմանը, բանվոր և գյուղական երիտասարդության շրջանում սրբապաշտության մարքսիզմ-լենինիզմի անհաղթ ուսմունքը, այն դարձնել նրա սեփականությունը:

Կոմերիտմիության առջև դրված այդ խնդիրների կատարման գործում հայ երիտասարդության մասնակցությունը ապահովելու, նրան կազմակերպելու ուղղությամբ խոշոր դեր խաղաց «Երիտասարդ լենինիստ»-ը:

Թերթի առաջին համարը, որը լույս տեսավ 1924 թ. մայիսի 1-ին, բնականաբար, նվիրված էր աշխատավորության միջազգային համերաշխության տոնին: Այն հրապարակեց «Կեցցե աշխատավորության միջազգային համերաշխության օրը՝ մայիսի 1-ը», «Կեցցե ամբողջ աշխարհի պրոլետար երիտասարդությունը» լոգունգները:

1924 թ. հունիսի 1-ին տեղի ունեցավ Ղարաբաղի կոմերիտմիության անդրանիկ կոնֆերանսը, որտեղ հանրագումարի բերվեց կոմերիտական կազմակերպությունների 10-ամսյա աշխատանքի արդյունքները և միջոցառումներ նշվեցին հետագա աշխատանքի համար: Այդ օրը լույս տեսավ «Երիտասարդ լենինիստ»-ի հերթական 4-րդ համարը: Ընդսմին, այն հրատարակվեց առանձին, որպես ինքնուրույն թերթ, շորս էջից բաղկացած: Թերթի այդ համարի առաջին էջի ճակատը զարդարում էին «Կեցցե Ղարաբաղի ԿԵՄ անդրանիկ կոնֆերանսը, որը պիտի իր աշխատանքները տանի ու առաջիկա գործունեության ուղիները ցույց տա լենինիզմի կարմրավառ դրոշի տակ», «Հաստատորեն ու անշեղ կերպով բանվորա-գյուղացիական դասակարգի ու նրա առաջապահ կոմունիստական կուսակցության հետ համերաշխ—դեպի սոցիալիզմ» լոգունգները:

«Միության հերթական խնդիրները և Ղարաբաղի կազմակերպությունը» հոդվածում Արմեն Սյունին խոսում է Ղարաբաղի տնտեսական ու կուլտուրական առանձնահատուկ պայմանների մասին, ցույց տալիս, որ նա հանդիսանում է զուտ գյուղատնտեսական երկիր, ուստի կոմերիտմիության գործունեությունը հիմնականում պետք է կենտրոնանա գյուղական երիտասարդության վրա, որը պետք է հոգ տանի այդ երիտասարդության կուլտուրական-քաղաքական զարգացման մասին: Հոդվածում որոշակիորեն տրվում են այն խնդիրները, որոնք դրված են կոմերիտական կազմակերպությունների առջև:

«Մեր բջիջները պիտի անհապաղ անցնեն եռանդուն աշխատանքի, սերտ կապ հաստատելով գյուղական իշխանության ու առանձնապես կոմբջիջների հետ, որի միջոցով մեր տեղական ընկերները նստավորություն կստանան յուրացնել կուսակցության ամբողջ հեղափոխական փորձառությունը, հին գվարդիայի հեղափոխական ավանդները: Պիտի ուժեղացվի բջիջի աշխատանքը անկուսակցական երիտասարդության, մանավանդ բատրակների մեջ, որի համար բջիջը պիտի ուժեղացնի քաղխմբակի աշխատանքը, յուր ամբողջ կուլտուրական կրթական աշխատանքը կենտրոնացնի գյուղական խրճիթ-ընթերցարաններում ու ակումբներում: Բջիջը պիտի յուր եռանդուն մասնակցությունը ցույց տա գյուղական կոոպերացիայի ու արտելների կազմակերպման ու ծավալման մեջ: Բջիջը պիտի մեծ մասնակցություն ունենա գյուղի շինարարական, տնտեսական կյանքում ու հանդիսանա նոր խորհրդային գյուղի իսկական ստեղծագործիչը: Վերջապես բջիջը պիտի հիշի մեր մեծ առաջնորդի, Իլյիչի մեղ թողած պատգամները ու անցնի նրա թողած ուսմունքի, բանվոր-

րա-գյուղացիական դասակարգի միակ ու հաստատուն զենքի՝ լենինիզմի ուսումնասիրությունը»:

Թերթը այդ նույն համարում տպագրել է «Լենկ. Կալինինը ԿԵՄ միության անելիքների մասին» հոդվածը: Պարզ ու մատչելի լեզվով գրված այս հոդվածում պատմվում է Մ. Ի. Կալինինի կողմից գյուղի կոմերիտական կազմակերպությունների առաջ դրած խնդիրների մասին: «Քաղաքական և տնտեսական բացառիկ նշանակություն է ստանում կոմերիտմիության կազմակերպությունը գյուղում,— ասվում է այդ հոդվածում,— կոմերիտմիությունն իր մեջ պիտի ընդունի գյուղական երիտասարդության (պատանիների և աղջիկների) ամենաառաջավոր խավերին, բատրակներին ու չքավորներին (առաջին հերթին) և միջակներից ամենալավերին»:

Գյուղի կոմերիտական կազմակերպությունների, ողջ երիտասարդության անելիքների մասին: Են պատմում նաև 1924 թ. դեկտեմբերի 28-ի համարում տպագրված «Մեր միության անդամների քաղաքական դաստիարակությունը և միասնական քաղ-կրթական սիստեման» և «Լենինյան կոմերիտականը գյուղում պիտի մտածի կոոպերացիայի կազմակերպման մասին» հոդվածները: Այդ հոդվածներում կարմիր թելի պես անցնում է այն միտքը, որ գյուղի կոմերիտականը պետք է քաղաքականապես պատրաստված լինի, որպեսզի ինքը իր անձնական օրինակով կրթի ու դաստիարակի երիտասարդությունը: Կոմերիտականը պետք է գյուղացուն բացատրի կոոպերացիայի առավելությունը, իր անձնական մասնակցությունը հիմք դնի գյուղական կոոպերատիվին, որը հանդիսանում է սոցիալիստական գյուղի հիմնաքարը:

«Երիտասարդ լենինիստ»-ը անողոր պայքար է մղել հին, հետամնաց սովորությունների, կրոնի, տգիտության ու խավարի դեմ: Նրա էջերում տպագրված բազմաթիվ հոդվածներում բացահայտվել է կրոնի հակամարքսիստական էությունը, կոչ արվել երիտասարդությանը լայն պայքար ծավալել կրոնամոլության դեմ, հանուն նոր կենցաղի:

* * *

1921—1925 թվականներին կոմերիտմիության օրգանները հրատարակեցին բազմաթիվ կոչեր ու միօրյա թերթեր, որոնք երիտասարդական զանգվածներին էին հասցնում կուսակցության ձեռնարկած միջոցառումների և որոշումների էությունը, հասարակական լայն կարծիք ստեղծում դրանց շուրջը:

1921 թ. ՀԿԵՄ Ալեքսանդրապոլի քաղաքային ատաղին կոնֆերանսը ողջունելով աշխատավորության միջազգային համերաշխության տոնը՝ մայիսի 1-ը, իր ընդունած կոչում գրում է. «Այսօր, այս նվիրական տոնի օրին խորհրդային Հայաստանի բանվորությունն ու գյուղացիությունը կանգնած է տնտեսական ծայր աստիճան քայքայված իրականության հանդեպ»:

Այսօր, երբ սկսվում է շինարարական մեծ աշխատանք, բանվոր ընկեր, դու պետք է գիտակցես, որ անգործ նստելը ոճրագործություն է, որ ամեն մեկը պարտական է ասպարեզ հանել իր ուժերից գերադույնը, ստեղծելու շինարարական մեծ աշխատանք և ձգտելու կոմունիզմին»: Կոնֆերանսը կոչ է անում Հայաստանի բանվորա-գյուղացիական երիտասարդությանը՝ «համախմբվել կոմունիստական երիտասարդական միության դրոշի շուրջը, միահա-

մուտ ջանքերով մաքառել երկրի քայքայված տնտեսության դեմ և բարձրացնել տնտեսական և կուլտուրական մակարդակը երկրում:

1921 թ. հոկտեմբերի 27-ի կոչում կոմերիտիության Ալեքսանդրապոլի գավառային կոմիտեն մերկացնելով ժողովրդի թշնամիների կողմից տարածված կեղծ ու զրպարտիչ լուրերը, որ իբր Սովետական Հայաստանը 1901 և 1902 թ. ծնվածների զորակոչ հայտարարելով պատրաստվում է պատերազմի, գրում է. «Շնորհիվ խորհրդային կառավարության ձեռք առած միջոցների, խորհրդային իրավակարգին և մեր մեծ դաշնակից խորհրդային Ռուսաստանի ռզնուի, Հայաստանի աշխատավորությանը ամուր հիմքեր է դրել երկրի վերաշինման... Հեռու չէ այն օրը, երբ մենք կունենանք խորհրդային հայրենիքը պաշտպանող մի ընդհանուր զորք: Մեր թիկունքումն է կանգնած մեր մեծ եղբայրն ու ռզնականը՝ խորհրդային Ռուսաստանը»⁸: Այնուհետև կոչ է արվում երիտասարդությանը մեկնելու կարմիր բանակի շարքերը, պաշտպանելու հայրենիքը:

1921 թ. դեկտեմբերի 15-ին Ալեքսանդրապոլի գավառային կոմիտեն, սովետների ռնտրություններում երիտասարդության մասնակցությունն ապահովելու նպատակով հրատարակեց մի դիմում, որով կոմերիտիության գավկոմը ընտրողներին կոչ է անում ձայն տալ կոմունիստներին⁹:

Ուշադրության արժանի են Ալեքսանդրապոլի գավառային կոմիտեի նաև 1923 թ. հրատարակած կոչերը, որոնցից մեր ձեռքն է ընկել երկուսը: Դրանցից մեկը 1923 թ. հոկտեմբերի 25-ի կոչն է, որը նվիրված է մեծ Հոկտեմբերի 5-րդ տարեդարձին:

«Այսօր հոկտեմբերի կարմիր շողերի տակ ամբողջ երկրագունդն է զարթնում,—ասված է այդ կոչում,—և հեղափոխական պրոլետարիատը, մուրնը ձեռքին, հեղափոխության կարմիր սալի վրա, համաշխարհային հորիզոնում դարբնում է մի նոր արև»:

Անդրադառնալով երիտասարդության խնդիրներին, կոչը նշում է. «Երիտասարդ աշխատավորությունն էլ, 5-րդ տարեդարձին (Հոկտեմբերյան հեղափոխության—Վ. Ս.), պիտի լարի յուր ուժերը, խտացնի յուր շարքերը, կոմունիզմի ճանապարհը հարթելու համար»¹⁰:

Ահա և երկրորդ կոչը, որ ուղղված է ՀԿԵՄ Ալեքսանդրապոլի գավառային կոմիտեի հրահանգիչներին. գյուղական կոմերիտական կազմակերպություններին և բոլոր կոմերիտականներին. «Միասնական գյուղատնտեսական հարկի գանձման, նախնական հաշվառման աշխատանքները մեր գավառում սկսվել են: Անդրկովկասյան կենտրոնական հրատարակած դեկրետը միասնական հարկի առթիվ լայն մասսաների սեփականություն պիտի դարձնել:

Միասնական գյուղատնտեսական հարկի ամբողջ աշխատանքների ընթացքում, մեր նշանաբանը պիտի լինի՝ ագիտացիան լայն մասսաների մեջ»¹¹:

Հետաքրքրություն է ներկայացնում նաև ՀԿԵՄ էջմիածնի գավառային կոմիտեի 1923 թ. կոչը՝ ուղղված գավառի բոլոր կոմերիտականներին և ողջ աշխատավոր երիտասարդությանը «Կարմիր նավատորմի շեփությունը» վերց-

⁸ ՄԼԽ-ի հայկական ֆիլիալի արխիվ, ֆ. 53, գ. 16:

⁹ ՄԼԽ-ի հայկական ֆիլիալի արխիվ, ֆ. 53, գ. 14:

¹⁰ Նույն տեղում:

¹¹ Նույն տեղում, ս. 74:

¹² Նույն տեղում:

նելու մասին, որտեղ ասված է. «Կոմերիտմիությունը իր համառոտական օ-րդ համագումարում ընդունեց կարմիր նավատորմի շեֆությունը: Նույնը արել է և Անդրկովկասյան միությունը՝ վերցնելով շեֆությունը Սև և Կասպից ծովերի նավատորմի: Երիտասարդ կարմիր նավատորմի երիտասարդ շեֆը ամենուրեք և ամեն ժամանակ պետք է հիշե իր խնդիրները՝ այն է ֆիզիկական, բարոյական ջերմ օգնություն»¹³:

1923 թ. հայերեն լեզվով բազմաթիվ միօրյա թերթեր է հրատարակել կոմերիտմիության Անդրկովկասյան երկրային կոմիտեն: Հիշատակման արժանի են 1923 թ. հունվարի 7-ին՝ «Կորչի կրոներ» և նույն թվականի մայիսի 1-ին հրատարակված «Կարմիր մայիս» միօրյա թերթերը: «Կորչի կրոներ» թերթը նվիրված էր «Կոմերիտմիության զատիկին»: Թերթի առաջին էջի ճակատին մեծատառ դրված է. «Կրոներ այն թույնն է, որով բուրժուազիայի վարձկան տերտերները թունավորում են աշխատավոր բանվորի և գյուղացիների գիտակցությունը, նրանց շահագործելու համար»:

«Նոր կուլտուրայի կրողները» հոդվածում թերթը խոսելով երիտասարդության դերի մասին երկրի խաղաղ շինարարական աշխատանքներում, գրում է, որ կոմերիտմիությունը կոմունիստական կուսակցության հույսն է, Հոկտեմբերյան հեղափոխության 10-ամյակին, որն այսօր փոխարինելով հին գվարդիայի ներկայացուցիչներին, աստիճանաբար մտնում է իր իրավունքների մեջ և մեծ ծառայություններ մատուցում սովետական շինարարությանը:

Հարուստ և բովանդակալից են ձևավորված թերթի էջերը: Ուշագրավ են, հատկապես, նրա ծաղրանկարները: Ահա դրանցից երկուսը: Առաջին էջում նկարված են մի խումբ տերտերներ և կոմերիտականներ, որտեղ տերտերները անիծում են կոմերիտականներին՝ «Աստված Զեզ անիծի, կոմսոմուլիստներ», իսկ վերջիններս արհամարական տոնով ծիծաղում են նրանց վրա: Երկրորդ ծաղրանկարը կոչվում է «Աստծո մոցիկուլիները օգնում են սովյալներին»: Այստեղ պատկերված է, թե ինչպես մի խումբ տերտերներ ժողովրդին խաբած օրվա վաստակը տոպրակը լցրած տանում են, իսկ աղքատ գյուղացին՝ կնոջ ու երեխայի հետ, սովից տանջված, նայում են նրանց:

«Կորչի մարդկության տանջանքի և արցունքի աղբյուր կրոներ», «Կեցցե աշխատանքի տոներ՝ կոմսոմուլյան զատիկը», — ազդարարում էր թերթը:

Մայիսի 1-ի տոնին նվիրված «Կարմիր մայիս» միօրյա թերթը իր «Բանվոր երիտասարդությունը և մայիսի մեկը» առաջնորդող հոդվածում գրում է. «Մեզ, լայնածավալ խորհրդային ֆեդերացիայի երիտասարդ բանվորների համար, այս տոներ ոչ միայն գարնանային տոն է, այլ սա բանվոր դասակարգի հաղթանակի տոնն է, հաղթանակի, որ ձեռք է բերվել մեր մեծ ընկերների արյունով: Այսօր երիտասարդ բանվորությունը, կուռ շարքերով՝ զինված դասակարգային հզոր գիտակցությամբ տոնում է իր հաղթանակի տոներ և կոչ է անում կապիտալիստների ճիրաններում տառապող բանվոր երիտասարդությանը համախմբվելու ու միահամուռ գրոհով խորտակելու կապիտալի թագավորությունը»: Առաջնորդող հոդվածը վերջում իր զայրույթն ու բողոքն է հայտնում դեղին և համաձայնողական ինտերնացիոնալների դեմ, որոնք մրթագնում են բանվոր երիտասարդության գիտակցությունը: Թերթը հրապարակեց «Կեցցե համաշխարհային սյրոլետարական հեղափոխությունը», «Կեցցե

¹³ Նույն տեղում, ֆ. 52, գ. 184:

պրոլետարիատի համագործակցության և միասնական ձուլատի օրը՝ մայիսի մեկը», «Կեցցե համաշխարհային հեղափոխական պրոլետար երիտասարդության շտաբը՝ երիտկոմիսներն» և այլ հեղափոխական լոզունգներ:

1924 թ. փետրվարի 1-ին Նրևանում բացվեց նախկին երիտասարդ դաշնակցականների (ուսանող-աշակերտների) համահայաստանյան համագումարը¹⁴: Նախկին երիտասարդ դաշնակցականների համահայաստանյան համագումար նախաձեռնող բյուրոն, համագումարի բացման օրը հրատարակեց «Բանբեր» միօրյա թերթը: «Մեր համագումարի անելիքները» առաջնորդողում թերթը գրում է. «Երիտ. դաշնակցականների համահայաստանյան համագումարը գալիս է ձևակերպելու քայքայված կուսակցության երիտասարդ, կենսունակ տարրի՝ ուսանողության և աշակերտության բեկումը»:

«Մեր համագումարը լինելու է քննադատության, վերագնահատման մի պրոցես,— շարունակում է առաջնորդող հոդվածը,— ուր «արժեքների» բացասման ու կործանման առաջն անգամ կանգ չի առնի, համագումարը կժխտի դաշնակցության «ընթացիկ իդեոլոգիան», կթաղի նրա «փթած դիակը»:

«Բանբեր»-ում տպագրվել է նաև նախկին երիտասարդ դաշնակցականների համագումար նախաձեռնող բյուրոյի ղեկավարացիան, որտեղ մերկացվում է դաշնակների քաղաքական սնանկությունը, որը դարձել է Անտանտի հավատարիմ գործակալը, պատճառ դարձել աղգամիջյան կոիվների ու ջարդերի, նրկիրը հասցրել տնտեսական քայքայման աստիճանի: Այնուհետև, ցույց է տրվում, որ քաղաքացիական կոիվներում ջախջախիչ պարտություններ կրելով, դաշնակները իրենց գործունեությունը տեղափոխեցին հանրապետությունից դուրս, միացան Ռուսաստանի և Անդրկովկասի հակահեղափոխական կազմակերպություններին և սկսեցին բացահայտ ճիգեր գործադրել երկրի քաղաքական-տնտեսական վերածնությունը խանգարելու համար: «Այսօր հավաքվող համագումարը,— ասված է ղեկավարացիայում,— պիտի իր վճռական խոսքը ասի՝ որ կուսակցության երիտասարդ թեր ալլես նրանց հետ չէ, որ նա հարում է խորհրդային իշխանության և կոմունիստական ինտերնացիոնալին, որ նա խզում է կապը դաշնակցական կոիված հակահեղափոխական կուսակցության հետ և թույլ չի տալու խոսելու իր անունից»:

Կոմերիտիության Դիլիջանի դավառային 3-րդ կոնֆերանսին է նվիրված 1924 թ. հունիսի 14-ին հրատարակված «Լենինյան ուղիով» միօրյա թերթը. նրանում տպագրվել են «Մեր համագումարը», «Պատկազմակերպության մեջ կատարվելիք աշխատանքների մասին», «Աշխատանքի ձևեր թուրք բջիջներում», «Աշխատանքը բատրակների մեջ», «Մեր հաջողությունների մասին» և ուրիշ հոդվածներ, որոնց մեջ առաջ է քաշվում կոմերիտական կազմակերպությունների խնդիրները՝ երիտասարդության դաստիարակության գործում, ինչպես նաև կոմերիտական կազմակերպությունները կազմակերպորեն ամրապնդելու, նրա շարքերը ընդլայնելու կարևոր հարցերը:

Թերթում տպագրվել է նաև կուսակցության Դիլիջանի դավառային կոմիտեի «հրահանգ-նամակը»՝ ուղղված կուսակցության շրջանային բոլոր հրահանգիչներին և կազմակերպության քարտուղարներին: Ելնելով կուսակցության

¹⁴ Համագումարի օրակարգի հարցերն էին՝ 1) նախաձեռնող բյուրոյի ինֆորմացիոն գեկուցումը. 2) ներկա մոմենտը. 3) Զեկուցում դաշնակցության գործունեության և պատմության մասին. 4) Ազգային հարցը և սովետական իշխանությունը. 5) երիտասարդության դերը դաշնակցության մեջ:

XI և XIII համագումարների որոշումներից, որոնք պարզ կերպով բնորոշել են կուլակցության վերաբերմունքը բանվորա-գյուղացիական երիտասարդության և առաջին հերթին կոմերիտմիության մեջ տարվելիք աշխատանքները, ՀԿԿ գավկոմը կուսակցական կազմակերպությունների ուղադրությունը իրավիրում է կոմերիտական կազմակերպություններում տարվող աշխատանքները ուժեղացնելու հարցերի վրա: Ողբեր է այնպես անել,—ասված է այդ իրահանգում,—որ կոմերիտմիությունը համակարգ կերպով ուսումնասիրի կուսակցության պատմությունը, նրա ծրագիրն ու գործելակերպը և առհասարակ բոլոր այն ավանդները, որ թողել է մեզ ընկ. Հենինը»:

Այսպիսով, ուսումնասիրելով հայ կոմերիտական մամուլի առանձին դրվագներ միայն, չեմոնում ենք, որ նա ընդարձակ ու հավաստի տեղեկություններ է հաղորդում մեր երկրի ոչ հեռավոր անցյալի հասարակական-քաղաքական իրադարձությունների, ամենից առաջ, իհարկե, երիտասարդության աշխատանքի, կրթության, հասարակական գործունեության, կուլտուրական կյանքի մասին: Այդ նյութերը Հայաստանի կոմերիտմիության պատմության վրա է չենք են կազմում: